

**Ni Presidente
Henry B. Eyring**
Umuna a Mammagbaga
iti Umuna a Panguluén



Padto ken Bukod a Paltiing

Ti pudno a Simbaan ni Jesucristo ket naisublin ken adda iti daga iti agdama. Ti Simbaan ni Jesucristo dagiti Santo iti Ud-udina nga Aldaw ket kanayon nga idadauluan dagiti sibibiag a propeta ken apostol, nga umaw-awat iti agtultuloy a pannarabay manipud iti langit.

Pudno pay dayta a nadiosan a pagtuladan idi ugma. Maadaltayo iti Biblia: “Kinapudnona, awanto ti aramiden ni Apo Jehova a dinto maipalgak ti palimedna kadagiti adipenna dagiti mammadto” (Amos 3:7).

Nagsao manen ti Dios iti panawentayo, babaen ken ni Propeta Joseph Smith. Impalgakna babaen ken ni Propeta Joseph ti ebanghelio ni Jesucristo iti pakabuklanna. Insublina ti nasantuan a priesthoodna nga addaan kadagiti tulbek ken amin a kalintegán, bileg, ken dagiti pagpaayan ti sagrado a bileg ti priesthood.

Iti panawentayo, napasgan dagiti sibibiag a propeta ken apostol nga agsarita, mangisuro, ken mangiturong nga addaan iti awtoridad manipud iti Dios Ama ken ni Apo Jesucristo. Kinuna ti Mangisalakan iti Propeta, “Siak nga Apo, ania man a nasaok, nasaokon, ket saanko nga ilaksid ti bagik; ket uray no awanton ti langit ken ti daga, saanto a mapukaw ti balikasko, ngem matungpaldanto amin, babaen man ti timekko wenna babaen ti timek dagiti katulongan, isu la nga isu” (DkK 1:38).

Kadagiti sapisap a komperensia iti mamindua iti makatawen, napanarabantayo iti gundaway a dumngeg iti balikas ti Dios nga agpaay kadatayo manipud kadagiti

katulonganna. Dayta ti maysa a pribilehio a saan a magatadan ti pategna. Ngem ti pateg dayta a gundaway ket agpannurray iti no awatentayo met laeng dagiti balikas iti babaen ti impluensia ti isu met laeng nga Espiritu a naka-itedan dagitoy dagiti katulongan (DkK 50:19–22). Kas iti yaawatda iti pannarabay manipud iti langit, isu a nasken a kastatayo koma met. Ket kasapulan pay ti isu met laeng a naespirituan a panagaramidayo.

“Aramidenyo ti Naituding nga Aramidenyo”

Adun a tawen ti napalabas maysa kadagiti miembro ti Korum dagiti Sangapulo-ket-dua nga Apostol ti nagkiddaw kaniak a mangbasa iti maysa a bitla ti kumperensia nga insaganana para iti sapisap a kumperensia. Maysaak idi a junior a miembro ti korum. Napadayawanak iti panagtalekna a makatulongan kenkuana a mangsapul kadagiti balikas a kayat ti Apo nga isaona. Kinunana kaniak nga umis-istem, “A, daytoy ti maika-22 a draft ti bitlak.”

Malagipko ti balakad ti managayat ken nasingpet a Presidente Harold B. Lee (1899–1973) a damo nga intedna kaniak nga addaan iti dakkel a panangyunay-unay: “Hal, no kayatmo ti umawat iti paltiing, aramidem ti naituding nga aramidem.”

Binasak, inutobko a nasayaat, ken inkararagak dayta a maika-22 a draft. Inadalko iti amin a kabaalak babaen ti impluensia ti Espiritu Santo. Iti kanito nga inted ti miembro ti korum ti bitlana, nalpaskon ti naituding nga aramidek.

Diak sigurado no nakatulongak, ngem ammok a nagbal-baliwak idi mangngagak ti bitla a naited. Immay kaniak dagiti mensahe a nangnangruna pay a balikas ngem iti nabasakon ken nagsarita isuna. Addaan dagiti balikas iti dakdakkel a kaipapanan ngem dagiti binasakon iti draft. Ken kasla nairanta a para kaniak ti mensahe, a maitutop kadagiti kasapulak.

Nagayuno ken nagkararag dagiti katulongan ti Dios tapno awatenda ti mensahena nga itedda kadagiti agkasapul-an iti paltiing ken pammaregta. Ti naadalko iti dayta a padas, a nagustuan dagiti adu a dadduma pay, ket magun-od dagiti naindaklan a pagsayaatan a sidadaan manipud iti idedengngeg kadagiti sibibiag a propeta ken apostol, nasken a bayadantayo mismo ti pateg ti panangawat iti paltiing.

Patpatgen ti Apo ti tunggal tao a mabalin a dumngeg iti mensahena, ken ammona ti puspuso ken kasasaad ti tunggal maysa. Ammona no ania a panagatur, ania a panangal-lukoy, ken no ania a kinapudno ti ebanghelio ti kasayaatan a makatulong iti tunggal tao a mangpili ti dalanna nga agturong iti dana iti agnanayon a biag.

Datayo a dumngeg ken mangbuya kadagiti mensahe ti sapsap a komperensia ket agpanunot no dadduma kal-pasanna, “Ania ti kasayaatan a malagipko?” Namnamaen ti Apo iti tunggal maysa kadatayo a daytoyto ti sungbattayo: “Diakto kaano man malipatan dagiti kanito idi mariknak ti timek ti Espiritu iti panunotko ken iti pusok a mangibag-baga kaniak no ania ti maaramidko tapno mapagustuak ti Nailangitan nga Amak ken ti Mangisalakanko.”

Maawattayo dayta a bukod a paltiing no dumngegta-yo kadagiti propeta ken apostol ken no agrabahotayo a sipapammati tapno umawat iti daytoy, kas iti kinuna ni Presidente Lee a kabaellantayo. Ammok a pudno dayta manipud iti padas ken babaen ti saksi ti Espiritu.

PANANGISURO MANIPUD ITI DAYTOY A MENSAHE

Ibilang ti panangbasa iti napigsa iti sarita ni Presidente Eyring maipapan ti panangadalna iti draft ti bitla iti komperensia ti miembro ti korumna. Mabalin a saludsodenyoy, “Ania ti pateg ti panangawat iti

paltiing?” Kalpasan ti paglilinnawaganyo, mabalin nga awisenyo dagiti sarungkaranyo a mangutob ken mangaramid iti plano nga umawat kadagiti umadani a mesahe iti sapsap a komperensia “babaen ti impluensiya ti isu met la nga Espiritu a nakaitedan dagitoy kada-giti katulongan ti [Dios].”

AGTUTUBO

Nakisao Kaniak ti Ama babaen ti Bitla iti Komperensia

Ni Anne Laleska Alves de Souza

Adda panagduaduak maipapan no ania ti nasken nga adalek iti unibersidad. Kaaduanna a tao ti agsaosao maipapan iti kurso a kayatko nga alaen, isu a nagkararagak iti Apo tapno ammuen no umanamong Isuna iti pangngeddengko.

Dimteng ti sungbatko iti kabigatanna kabayatan ti panangbasbasak iti bitla iti sapsap a komperensia iti *Liahona*. Nariknak a kasla ibagbaga kaniak ti Nailangitan nga Ama a saan a makapili Isuna para kaniak--daytoy ket pangngeddeng a nasken nga aramid nga agmaymaysa. Ammok nga ania man ti napilik, nasken nga ikarigatak a trabahuen tapno agballigiak.

Ammok a nasungbatan ti kararagko. Ti pammatalged ti Espiritu Santo ti nakatulong kaniak a nagaramid iti pangngeddeng. Nasursurok ti mangted iti amin a kabaalak ken mangammo a tulongannakto ti Nailangitan nga Ama.

Agnanaed ti nagsurat iti Sergipe, Brazil.

ANNAK

Surotenyo ti Propeta

Agsao dagiti propeta ken apostol para iti Nailangitan nga Ama ken ni Jesucristo. Isurodatayo no kasano ti mangsurot ken ni Jesus. Ania dagiti sumagmamano a banag nga indawat dagiti propeta ken apostol nga aramidantayo?



Pammati, Pamilia, Tulong

Dagiti Babbai nga Annak ti Agnanayon nga Ama

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawatyo iti “Ti Kaamaan: Maysa a Waragawag iti Lubong” papigsanna ti pammatiyo iti Dios ken mangparabur kadagiti ay-aywananyo babaen ti visiting teaching? Para iti ad-adu pay nga impormasion mapan iti reliefsociety.lds.org.

Isuro dagiti nasantuan a kasuratan nga “annaknatayo ti Dios” (Dagiti Aramid 17:29). Imbilang ti Dios ni Emma Smith, asawa ni Propeta Joseph Smith, nga “anakko a babai” (DkK 25:1). Ti waragawag ti kaamaan isuronatayo a tunggal maysa kadatayo ket “maipatpateg nga espiritu . . . nga anak a babbai dagiti nailangitan a nagannak.”¹

“Iti pagarian iti [biag sakbay daytoy a biag], naadaltayo maipapan iti agnanayon a pakabigbigan ti kinababayayo,” kinuna ni Carole M. Stephens, umuna a mammagbaga iti Relief Society general presidency.

“Ti panagdaliasattayo iti biag sakbay daytoy a biag nga umay iti daga ket saan a nangbaliw kadagiti a kinapudno.”²

“Ammo ti Amayo iti Langit ti naganyo ken ammona ti kasasadyo,” kinuna ni Elder Jeffrey R. Holland ti Korum dagiti Sangapuloket-dua nga Apostol. “Denggenna dagiti kararagtayo Ammona dagiti namnama ken arapaaptayo, agraman dagiti panagbuteng ken pannakapaaytayo.”³

“Tunggal maysa ket maibilangtayo ken masapuldatayo iti pamilia ti Dios,” kinuna ni Sister Stephens. “Saan nga agkakaasping ti amin a pamilia iti daga. Ken kabayatan ti

panangaramiddayo iti amin a kabalantayo a mangparnuay kadagiti napigsa a tradisional a pamilia, ti panagbalin a pamilia ti Dios ket saan a nga agpannurray iti ania man a kita ti kasasaad--kasasaad iti panagasawa, kasasaad iti panagbalin a nagannak, kasasaad iti pakaseknan iti kuarta, kasasaad iti kagimongan, wenna uray pay ti kita ti kasasaad nga ipostetayo iti social media.”⁴

Dagiti Mainayon a Nasantuan a Kasuratan

Jeremias 1:5; Taga-Roma 8:16; Doktrina ken Katulagan 76:23–24

Manipud iti Pakasaritaantayo

Iti pakaammuanna maipapan iti Umuna a Parmata,⁵ paneknekan ni Propeta Joseph Smith—agraman ti Nailangitan nga Amatayo nga ammona ti nagantayo.

Inkarigatan ni ubing a Joseph nga ammuen no ania a simbaan ti pagkamenganna ken nasarakanna ti panarabay iti Santiago 1:5. Inggibus ni Joseph nga agsaludsod isuna iti Dios.

Maysa nga agsapa ti panagsusbod idi 1820, napan isuna iti kakaykaywan tapno agkararag ngem kellaat a rimmimbaw kenkuana ti maysa a nangisit a bileg. Maipapan ti daytoy insuratna:

“Nakitak ti kasla adigi a lawag iti mismo a ngatuen ti ulok, a naranraniang pay ngem init, nga in-inut a nagpababa a nagdisso kaniak.

“Nasarakak ti bagik iti saan a nabayag a naisalakan manipud iti kabusor a nanglapped kaniak. Nakitak ti dua a Kinatao idi agdisso ti lawag kaniak, nga artapan ti lawag ken tan-okda ti amin a panangiladawan, a nagtakder iti angin iti ngatuek. Maysa kadakuada ti nagsao kaniak, nga inawagannak iti naganko, ket kinunana, intudona ti kaduana—*Daytoy ti Ay-ayatek nga Anakko. Dumngegka Kenkuana!*” (Joseph Smith—Pakasariatan 1:16–17).

DAGITI NAGADAWAN

1. “Ti Kaamaan: Maysa a Waragawag iti Lubong,” *Liahona*, Nob. 2010, 129.
2. Carole M. Stephens, “The Family Is of God,” *Liahona*, Mayo 2015, 11.
3. Jeffrey R. Holland, “To Young Women,” *Liahona*, Nov. 2005, 28.
4. Carole M. Stephens, “The Family Is of God,” 11.
5. Kitaen iti Gospel Topics, “First Vision Accounts,” topics.lds.org.

Ibilang Daytoy

Kasano a ti panangammom a sika ket anak a babai ti Dios ket mangaring kadagiti pangngeddengmo?